

漢魏六朝百三家集

新刊
藏板
印

司馬文園集題辭

梁昭明太子文選登采絕嚴獨於司
馬長卿取其三賦四文其生平壯篇
畧具殆心篤好之沉湎終日而不能
舍也太史公曰長卿賦多虛辭濫說
要歸節儉與詩諷諫何異余讀之良

然子虛上林非徒極博寔發於天材
楊子雲銳精揣鍊僅能合轍然疎密
大致猶漢書於史記也美人賦風詩
之尤上掩宋玉蓋長卿風流誕放深
於論色卽其所自叙傳琴心善感好
女夜亡史遷形狀安能及此他人之

賦賦才也長卿賦心得之於內不
可以傳彼魯與盛長通言之歌合組

賦列錦均未喻耳獵獸獻書長揚志

直馳檄發難巴蜀竦聽慕蘭生之渾

池跨唐蒙於絕域赤車駟馬足名丈

夫抑其文皆賦流也生賦長門沒留

封禪英主怨后思眷不忘豈偶然乎

婁東張溥題

司馬文園集目錄

賦

子虛賦

上林賦

大人賦

長門賦

美人賦

哀二世賦

書

諫獵書

報卓文君書

檄

諭巴蜀檄

難

難蜀父老文

符命

封禪文

歌

琴歌二首

附錄

本傳

司馬文園集目錄終

司馬文園集卷全

漢蜀郡司馬相如著

明太倉張溥閱

賦

子虛賦

楚使子虛使於齊齊王悉發境內之士備車騎
之衆與使者出畋畋罷子虛過詫烏有先生而
亡是公存焉坐定烏有先生問曰今日畋樂乎
子虛曰樂獲多乎曰少然則何樂對曰僕樂齊

王之欲誇僕以車騎之衆而僕對以雲夢之事也曰可得聞乎子虛曰可王駕車千乘選徒萬騎畋於海濱列卒滿澤罟網彌山掩兔麟鹿射麋腳麟驚於鹽浦割鮮染輪射中獲多矜而自功顧謂僕曰楚亦有平原廣澤遊獵之地饒樂若此者乎楚王之獵孰與寡人乎僕下車對曰臣楚國之鄙人也幸得宿衛十有餘年時從出遊遊於後園覽於有無然猶未能徧覩也又焉足以言其外澤者乎齊王曰雖然畧以子之所

聞見而言之。僕對曰：唯唯。臣聞楚有七澤，嘗見其一，未覩其餘也。臣之所見，蓋特其小小者耳。名曰雲夢。雲夢者，方九百里，其中有山焉。其山則盤紆弗鬱，隆崇畢舉，岑崟參差，日月蔽虧，交錯糾紛，上干青雲，罷池陂陀，下屬江河。其土則丹青赭堊，雌黃白垩，錫碧金銀，衆色炫燿，照爛龍鱗。其石則赤玉玫瑰，琳琅昆吾，璚玕厲礪，石砮砭其東，則有蕙圃蘅蘭，茝若射干，芎藭菖蒲，江薺蘼蕪，諸柘巴苴。其南則有平原廣澤，登

降。阼。靡。案。衍。壇。曼。緣。以。大。江。限。以。巫。山。其。高。燥。
則。生。葳。薺。苞。荔。薜。莎。青。蘋。其。埤。濕。則。生。藏。蓂。蕒。
葭。東。牆。彫。胡。蓮。藕。菰。蘆。菴。藺。軒。干。衆。物。居。之。不。
可。勝。圖。其。西。則。有。湧。泉。清。池。激。水。推。移。外。發。芙。
蓉。菱。華。內。隱。鉅。石。白。沙。其。中。則。有。神。龜。蛟。鼉。瑇。
瑁。鼈。鼉。其。北。則。有。陰。林。巨。樹。梗。枏。豫。樟。桂。椒。木。
蘭。檠。離。朱。楊。檣。梨。棗。栗。橘。柚。芬。芳。其。上。則。有。赤。
猿。獼。猴。鵲。雛。孔。鸞。騰。遠。射。干。其。下。則。有。白。虎。玄。
豹。蝮。蜒。貍。狌。於。是。乎。乃。使。專。諸。之。倫。手。格。此。獸。

楚王乃駕馴駁之駟。乘彫玉之輿。靡魚鬚之橈。施曳明月之珠旗。建干將之雄戟。左烏號之彫弓。右夏服之勁箭。陽子驂乘。娥阿爲御。案節未舒。卽凌狡獸。蹙蛩蛩。鱗距虛軼。野馬轉駒駖。乘遺風。射游騏。倏眴倩洌。雷動焱至。星流霆擊。弓不虛發。中必決背。洞胸達掖。絕乎心繫。獲若雨獸。掄草蔽地。於是楚王乃弭節徘徊。翱翔容與。覽乎陰林。觀壯士之暴怒。與猛獸之恐懼。微虺受誦。殫覩衆物之變態。於是鄭女曼姬。被阿緇。

揄紵縞雜織羅垂霧縠。襞積縹紵紆徐委曲。鬱
撓谿谷。粉粉裊裊揚施戍削。飛襪垂髻扶輿倚
靡翕呬萃蔡下摩蘭蕙上拂羽蓋錯翡翠之葳
蕤繆繞玉綏眇眇忽忽若神仙之髣髴於是乃
相與獠於蕙圃嫫嫫勃率而上乎金隄揜翡翠
射鰕鶊微矰出織繳施弋白鵠連鴛鴦雙鶻下
玄鶴加怠而後發游於清池浮文鵠揚旌拽張
翠帷建羽蓋網璚琕鉤紫貝挺金鼓吹鳴籟榜
人歌聲流唱水蟲駭波湧沸涌泉起犇楊會磊

石相擊，硠硠磕磕。若雷霆之聲，聞乎數百里之外。將息獠者，擊靈鼓，起烽燧，車案行，騎就隊，纚乎滛滛，般乎裔裔。於是楚王乃登雲陽之臺，泊乎無爲，澹乎自持，勺藥之和，具而後御之。不若大王終日馳騁，曾不下輿，將割輪焮，自以爲娛。臣竊觀之，齊殆不如。於是齊王無以應僕也。烏有先生曰：是何言之過也！足下不遠千里來貺齊國，王悉發境內之士，備車騎之衆，與使者出田，乃欲戮力致獲，以娛左右，何名爲夸哉？問楚

地○之○有○無○者○願○聞○大○國○之○風○烈○先○生○之○餘○論○今○
足○下○不○稱○楚○王○之○德○厚○而○盛○推○雲○夢○以○爲○高○奢○
言○謠○樂○而○顯○侈○靡○竊○爲○足○下○不○取○也○必○若○所○言○
固○非○楚○國○之○美○也○有○而○言○之○是○彰○君○之○惡○無○而○
言○之○是○害○足○下○之○信○彰○君○之○惡○而○傷○私○義○二○者○
無○一○可○也○而○先○生○行○之○必○且○輕○於○齊○而○累○於○楚○
矣○且○齊○東○渚○鉅○海○南○有○琅○邪○觀○乎○成○山○射○乎○之○
罙○浮○渤○澥○遊○孟○諸○邪○與○肅○慎○爲○鄰○右○以○暘○谷○爲○
界○秋○田○乎○青○邱○徬○徬○乎○海○外○吞○若○雲○夢○者○八○九○

於其胸中曾不帶芥若乃俶儻瑰瑋異方殊類
珍怪鳥獸萬端鱗萃充牣其中者不可勝記禹
不能名高不能計然在諸侯之位不敢言游戲
之樂苑囿之大先生又見客是以王辭而不復
何爲無以應哉

上林賦

亡是公听然而笑曰楚則失矣而齊亦未爲得
也夫使諸侯納貢者非爲財帛所以述職也封
疆畫界者非爲守禦所以禁淫也今齊列爲東